

Penziono osiguranje

Penzionim osiguranjem se garantuje penzionerima da će imati dovoljno sredstava za život u starosti. Švicarski penzioni sistem ima tri stuba: Starosno i porodično osiguranje (AHV), penziono osiguranje od strane poslodavca (Pensionskasse) i dobrovoljna štednja za starost (3. Säule).

Penziono i porodično osiguranje (1. stub, 1. Säule)

Penziono i porodično osiguranje (AHV) je državna institucija. Većina odraslih osoba moraju uplaćivati doprinose za osiguranja. Doprinosi se uplaćuju svakog mjeseca direktno od plate. Poslodavac plaća polovinu od iznosa. Samostalni preduzetnici kao i osobe bez radnog mjesta bi trebalo da se u vezi sa tim kako moraju plaćati svoje doprinose informišu kod Kompensazione blagajne (Ausgleichskasse). AHV isplaćuje penzionerima mjesečnu penziju. Iznos penzije zavisi od doprinosa koji su uplaćivani. AHV podržava takođe bračne partnere i djecu od preminulih osiguranika (Wittwen- und Weisenrente). Svako dobija "AHV - kartu" sa ličnim osiguravajućim brojem.

Penziono osiguranje kod poslodavca (2. stub, 2. Säule)

AHV, 1. stub, nije dovoljan da bi se nakon penzionisanja zadržao željeni životni standard. Zato postoji i 2. stub, takozvana penziona kasa (Pensionskasse) u koju se mora obavezno uplaćivati ukoliko se zarađuje određena godišnja plata. Doprinosi se odbijaju mjesečno od plate, a poslodavac je dužan uplati najmanje polovinu tog iznosa. Samostalni preduzetnici nisu dužni plaćati ove doprinose. Oni ih mogu dobrovoljno uplatiti i sami su odgovorni za to. Uštedjeni novac iz ove kase može se u starosti primati kao mjesečna penzija. Ali i cjelokupna suma se može dobiti kao jednokratna isplata. U određenim slučajevima novac iz ove kase može biti isplaćen i ranije: Ako osnujete privatno preduzeće, napustite Švicarsku za stalno i ako kupujete kuću ili stan za sopstvene potrebe.

Dobrovoljna štednja za penziju (3. stub, 3. Säule)

Kod 3. stuba se radi o dobrovoljnoj privatnoj štednji za starost. Ova štednja se podstiče tako što se umanjuje porez na primanja za iznos uplaćen na ime te štednje. Štedjeti se može kod banaka ili osiguravajućih društava. Privatna štednja se preporučuje da biste u starosti imali finansijsku rezervu.

Dodatak penziji

Stariji ljudi, koji nemaju dovoljno novca za život uprkos penziji iz AHV i Pensionskasse, imaju u određenim uslovima pravo da zahtijevaju dodatak na penziju (Ergänzungsleistungen). Zahtjev se predaje Službi za socijalne doprinose. Zakonom je jasno definisano ko ima pravo na ovaj dodatak. Dodaci se finansiraju od poreza koji plaćaju stanovnici.

Više informacija (linkovi, adrese, brošure, informacioni listovi)

www.hallo-baselstadt.ch/hr/socijalna-sigurnost/penziono-osiguranje